

#আমি পদ্মজা পর্ব ৪৩

পাখিদের কলতানে পদ্মজার ঘুম ভাঙল।
পদ্মজা জানালার ফাঁক গলে আসা দিনের
আলো দেখতে পেল। সে তড়িঘড়ি করে উঠে
বসে। অন্যদিন ফজরের আযানের সাথে সাথে
উঠে পড়ে। আজ দেরি হয়ে গেল!

‘পূর্ণাকে তুলে নিয়ে যা। একসাথে অযু করে
নামায পড়তে বস।’

হেমলতার কণ্ঠ শুনে পদ্মজা ঘুরে তাকাল।
তিনি কোরআন শরীফ পূর্বের জায়গায় রেখে
বললেন, ‘পূর্ণাকে একটু বুঝ দিস। নামায
পড়তে চায় না।’

‘আচ্ছা, আন্মা।’

পদ্মজা পূর্ণাকে ডেকে নিয়ে কলপাড়ে যায়।
এরপর দুই বোন একসাথে নামায পড়তে
বসল। নামায শেষ করে হেমলতার সামনে

এসে দাঁড়াল পদ্মজা। হেমলতা জানালার বাইরে
তাকিয়ে আছেন। পদ্মজা হেমলতার চোখ
দেখে বলল, 'আম্মা, তোমার চোখ এমন লাল
হলো কেন?'

হেমলতা দুই চোখে হাত বুলিয়ে বললেন, 'রাতে
ঘুমাইনি তাই।'

পদ্মজা উৎকণ্ঠা, 'কেন? কেন ঘুম হয়নি?
কীরকম দেখাচ্ছে তোমাকে। বিছানায় পড়াটাই
শুধু বাকি।'

কিছু চুল পদ্মজার মুখের উপর চলে এসেছে।
হেমলতা তা কানে গুঁজে দিয়ে আদরমাথা
কণ্ঠে বললেন, 'আজ আমার মেয়ে চলে যাবে।
তাই আমি সারারাত জেগে আমার আদরের
মেয়েকে দেখেছি।'

হেমলতার কথা শুনে পদ্মজা আবেগী হয়ে
উঠে। হেমলতাকে জড়িয়ে ধরে কান্নামাথা
কণ্ঠে বলল, 'আমার খুব মনে পড়ে তোমাকে।
চলো আমার সাথে। একসাথে থাকব। তোমার

না ইচ্ছে ছিল, আমাকে নিয়ে শহরে থাকার।
'পাগল হয়ে গেছিস! মেয়ের জামাইর বাড়িতে
কেউ গিয়ে থাকে? ২-৩ দিন হলে যেমন
তেমন।'

হেমলতার শরীরের উষ্ণতা পদ্মজাকে ওম
দিচ্ছে। মায়ের উষ্ণতায় কী অদ্ভুত শান্তি!
পদ্মজা কান্না করে দিল। হেমলতা পদ্মজার মুখ
তুলে বললেন, 'সকাল সকাল কেউ কাঁদে?
বাড়ির বউ তুই, স্বাশুড়ি কী করছে আগে দেখে
আয়। যা।'

পদ্মজা আরো কাঁদতে থাকল। কাঁদতে কাঁদতে
চোখের জল মুছেছে। আবার ভিজে যাচ্ছে।
বুকটা হাহাকার করছে। কত দূরে চলে যাবে
সে!

কাঁদতে কাঁদতে বেরিয়ে যায়। পিছন থেকে
শোনা যায়, হেমলতা বলছেন,
'বাচ্চাদের মতো করছিস কিন্তু।'

পদ্মজা শাড়ির আঁচল দিয়ে চোখ মুছে। ঢোক
গিলে নিজেকে শক্ত করল। এরপর রান্নাঘরের
দিকে চলে গেল। পদ্মজা ঘর ছাড়তেই
হেমলতার চোখ বেয়ে দুই ফোঁটা জল গড়িয়ে
পড়ে। তিনি দ্রুত জল মুছেন। পালঙ্কের দিকে
চেয়ে দেখেন, পূর্ণা চিৎ হয়ে ঘুমাচ্ছে। কখন
ঘুমাল? হেমলতার হাসি পেয়ে গেল। তিনি কাঁথা
দিয়ে পূর্ণাকে ঢেকে দিলেন।

পদ্মজা রান্নাঘরে ঢুকতেই ফরিদা মুখ
ঝামটালেন, 'আইছো ক্যান? যাও ঘুমাও গিয়া।'
'কখন এতো দেরি হয়ে গেছে বুঝিনি।' মিনমিন
করে বলল পদ্মজা'

'বুঝবা কেন? মা আইছে তো। হউরির লগে তো
আর মায়ের মতো মিশতে মন চায় না।'

পদ্মজা অবাক হয়ে তাকাল। আবার চোখ
নামিয়ে নিয়ে বলল, 'আমিতো মিশতেই চাই।
আপনি সবসময় রেগে থাকেন।'

‘মুখের উপরে কথা কইবা না। যাও এহন।’
পদ্মজা ঘুরে দাঁড়ায় চলে যাওয়ার জন্য। ফরিনা
তেলেবেগুনে জ্বলে উঠে বললেন, ‘কইতেই
যাইবাগা নাকি? জোর কইরা তো কাম করা
উচিত। এই বুদ্ধিটা নাই?’

পদ্মজা স্তব্ধ হয়ে কতক্ষণ দাঁড়িয়ে থাকে।
প্রতিদিন সে কাজ করার জন্য জোরাজুরি
করে, কিন্তু ফরিনা করতে দেন না। এজন্যই সে
এক কথায় চলে যাচ্ছিল। আর এখন কী
বলছেন! সে ব্যাপারটা হজম করে নিয়ে
রান্নাঘরে ঢুকল। ফরিনা গলার স্বর পূর্বের
অবস্থানে রেখেই বললেন, ‘হইছে, কাম করতে
হইব না। এরপর তোমার মায়ে কইবো দিনরাত
কাম করাই তার ছেড়িরে। যাও। বারায়্যা যাও।’
পদ্মজা হতভম্ব হয়ে দাঁড়িয়ে থাকে। লতিফা
ঠোঁট চেপে হাসছে। ফরিনার এমন ব্যবহারের
সাথে সে অভ্যস্ত। বেশ অনেকক্ষণ পর পদ্মজা
বলল, ‘আম্মা, আমি করবটা কী?’

পদ্মজা মাথা থেকে ঘোমটা সরে গেছে। মুখটা
দেখার মতো হয়েছে। ফরিনা পদ্মজার মুখ
দেখে হেসে ফেললেন। আবার দ্রুত হাসি
লুকিয়েও ফেললেন। এই মেয়েটাকে তিনি
অনেক আগেই ভালোবেসে ফেলেছেন। এতো
শান্ত, এতো নম্রভদ্র! হেমলতাকে হিংসে হয়।
হেমলতার গর্ভকে হিংসে হয়। পদ্মজার ঢাকা
যাওয়া নিয়ে প্রথম প্রথম ঘোর আপত্তি ছিল
ফরিনার। কিন্তু এখন নেই। উপর থেকে যাই
বলুন না কেন, তিনি মনে মনে চান পদ্মজা
পড়তে যাক। অনেক পড়ুক। অনেক বেশি
পড়ুক। এই মেয়ের জন্ম রান্নাঘরে রাঁধার জন্য
নয়। রানীর আসনে থাকার জন্য। পদ্মজা
ফরিনার দুই সেকেন্ডের মৃদু হাসি খেয়াল
করেছে। সে সাহস পেল। ফরিনার কাছে এসে
দাঁড়ায়। ফরিনা চোখমুখ কুঁচকে প্রশ্ন
করলেন, 'ঘেঁষতাছো কেন?'
পদ্মজা শিমুল তুলোর ন্যায় নরম স্বরে

বলল, 'আমার খুব মনে পড়বে আপনাকে।
আপনার বকাগুলোকে। আপনি খুব ভালো।'
ফরিদা তরকারিতে মশলা দিচ্ছিলেন। হাত
থেমে যায়। পদ্মজার দিকে তাকান। পদ্মজা
বলল, 'আমি আপনাকে একবার জড়িয়ে ধরব
আম্মা?'

ফরিদা কিছু বলতে পারলেন না। এই মেয়েটা
এতো অদ্ভুত, এতো ভালো কেন? পদ্মজার
চোখের দিকে চেয়ে অনুভব করেন, কয়েক
বছরের লুকোনো ক্ষত জ্বলে উঠেছে। ক্ষতরা
পদ্মজার সামনে উন্মোচন হতে চাইছে।
কোনোভাবে কী যন্ত্রনাদায়ক এই ক্ষত সারাতে
পারবে পদ্মজা? ভরসা করা যায়? পদ্মজার
মায়ামাথা দুটি চোখ দেখে বুকে এমন
তোলপাড় শুরু হয়েছে কেন? ৩২ বছর আগের
সেই কালো রাত্রির কথা কেন মনে পড়ে গেল?
যে কালো রাত্রির জন্য আজও এই সংসার, এই

বাড়িকে তিনি আপন ভাবতে পারেন না।
প্রতিটি মানুষের সাথে বাজে ব্যবহার করেন।
সেই যন্ত্রণা কেন বুক খুঁড়ে বেরিয়ে আসতে
চাইছে?

উত্তরের আশায় না থেকে পদ্মজা জড়িয়ে ধরল
ফরিনাকে। ফরিনা মৃদু কেঁপে উঠলেন। এরপর
পদ্মজার মাথায় হাত বুলিয়ে দিলেন। পদ্মজা
ফরিনার বুকে মাথা রাখতেই টের পেল, ফরিনার
বুক ধুকধুক, ধুকধুক করছে।

হাওলাদার বাড়ির থেকে ডানে দুই মিনিট হাঁটার
পর ঝাওড়া নামের একটি খালের দেখা পাওয়া
যায়। খালের পাড়ে দাঁড়িয়ে আছে হাওলাদার
বাড়ির সবাই। ট্রলার নিয়ে মাঝি অপেক্ষা
করছে। ট্রলারটি হাওলাদার বাড়ির। পদ্মজা
পরনে কালো বোরকা। লাবণ্য যাবে না। সকাল
থেকে তার ডায়রিয়া শুরু হয়েছে। তিন-চার

দিন পর আলমগীর ঢাকা নিয়ে যাবে। আজ
আমির আর পদ্মজা যাচ্ছে।

প্রেমা, প্রান্ত, মোর্শেদ, বাসন্তী সবাই সকালেই
এসেছে। সবার সাথে কথা হয়েছে। পূর্ণা হেঁচকি
তুলে কাঁদছে। হেমলতা পদ্মজার দুই হাত
মুঠোয় নিয়ে চুমু দিলেন। তারপর বললেন, 'ঠিক
মতো পড়বি, খাবি। স্বামীর খেয়াল রাখবি।
কাঁদবি না কিন্তু। একদম কাঁদবি না।'

'তুমি কাঁদছো কেন আন্মা?'

'না, না কাঁদছি না।' বলেও হেমলতা কেঁদে
ফেললেন। পদ্মজার কান্নার বেগ বেড়ে যায়।
বোরকা ভিজে একাকার। একদিকে মা
অন্যদিকে তিন ভাই-বোন কেঁদেই চলেছে।
হেমলতা নিজেকে নিয়ন্ত্রণের চেষ্টা
করছেন, পারছেন না। পদ্মজা বলল, 'আর
কেঁদো না আন্মা। তুমি অসুস্থ।'

হেমলতা ঢোক গিলেন কান্না আটকাতে।
তারপর বললেন, 'কাঁদব না। সাবধানে যাবি।
দেরি হচ্ছে তো। আমি, নিয়ে যাও আমার
মেয়েকে। যা মা। সাবধানে যাবি। নিয়মিত
নামাষ পড়বি।'

পদ্মজা হেমলতার পা ছুঁয়ে সালাম করল।
পদ্মজার দেখাদেখি আমিও করল। বাড়ির সব
গুরুজনদের সালাম করে ট্রলারে পা রাখতেই
হেমলতার কণ্ঠে উচ্চারিত শব্দমালা ভেসে
আসে, 'আমার প্রতিটা কথা মনে রাখবি।
কখনো ভুলবি না। আমার মেয়ে যেন অন্য
সবার চেয়ে গুণেও আলাদা হয়। শিক্ষায় কালি
যেন না লাগে।'

পদ্মজা ফিরে চেয়ে বলল, 'ভুলব না আম্মা।
কখনো না। তুমি চোখের জল মুছো। আমাদের
আবার দেখা হবে।'

হেমলতা তৃতীয় বারের মতো চোখের জল
মুছেন। এরপর হাত নেড়ে বিদায় জানান।
ট্রলার ছেড়ে দেয়। পদ্মজা এক দৃষ্টে হেমলতার
দিকে তাকিয়ে থাকে। হেমলতা চেয়ে থাকেন
পদ্মজার দিকে। দুজনের চোখ বেয়ে অব্যোম
ধারায় বর্ষণ হচ্ছে। কাঁদছেন মোর্শেদ। তবে
পদ্মজার জন্য কম, হেমলতার জন্য বেশি।
হেমলতার দিনগুলো এখন আরো দুর্বিষহ হয়ে
উঠবে। আরো কাঁদছেন ফরিদা। প্রতিদিন
বাড়ি জুড়ে একটা সুন্দর মুখ, সুন্দর মনের
জীবন্ত পুতুল মাথায় ঘোমটা দিয়ে আর হেঁটে
বেড়াবে না। আবারও মরে যাবে তার
দিনগুলো। হারিয়ে যাবে সাদা কালোর ভীড়ে।
মাদিনী নদীর ঠান্ডা আদ্রতা বাতাসে মিশে ছুঁয়ে
দিচ্ছে পদ্মজার মুখ। জল শুকাতে শুকাতে
আবার ভিজে যাচ্ছে। আমার পদ্মজার কোমর
এক হাতে জড়িয়ে ধরে বলল, 'এবার তো

থামো।’

আমিরের আলত ছোঁয়ায় পদ্মজা আরো প্রশ্রয় পেয়ে কাঁদতে থাকল। আমির বলল, ‘এ তো আরো বেড়ে গেছে! থামো না। আমি আছি তো। আমরা ছয় মাস পর পর আসব। অনেকদিন থেকে যাবো।’

‘সত্যি তো? কাজের বাহানা দেখাবেন না?’

‘মোটোও না।’ আমির পদ্মজার চোখের জল মুছে দিল। এরপর চোখের পাতায় চুমু দিল। পদ্মজা নুয়ে যায়। বলল, ‘নদীর পাড় থেকে কেউ দেখবে।’

‘কেউ দেখবে, কেউ দেখবে, কেউ দেখবে! এই কথাটা ছাড়া আর কোনো কথা পারে আমার বউ?’

পদ্মজা আমিরের দিকে একবার তাকাল।

এরপর চোখের দৃষ্টি সরিয়ে বলল, ‘আমরা ট্রলার দিয়ে টাকা যাব?’

‘সেটা সম্ভব না। কিছুক্ষণ পরই ট্রেনে উঠে
যাবো।’

আমির পদ্মজাকে ছোঁয়ার জন্য হাত বাড়াতেই,
আমিরকে হতবাক করে দিয়ে পদ্মজা ট্রেনার
ভেতর ঢুকে গেল।

চলবে....